

Onderhawig motie wordt met ~~8~~ stemmen vóór  
do teyen aangenomen.

Eilandraadverg. d.d. 26 mei  
2015

Voorzitter,  
Gün

Erffier,  
(U)

Griffie ER Bonaire	
Ingek.:	MAY 27 2015
Volgnummer: 2015005035	
Griffier:	Uitv.:



## MOSHON

Abolishon di dunamentu di vòlmagt (apoderashon) bou di man (onderhandse volmacht) i kambio di lista di vota

Konseho Insular di Entidat Públiko Boneiru den reunion di 26 di mei 2015,

### Konsiderando,

- Ku desde 10.10.10 ta posibel atrobe pa e votadó den Entidat Públiko Boneiru ku no por vota su mes, por ehèmpel pa motibu ku e ta den eksterior ku vakashon, òf pa motibu ku e ta malu, apoderá un otro persona pa vota na su lugá;
- Ku pa vota pa un otro persona e vòlmagt bou di man (onderhandse volmacht) ta un manera relativamente fásil pa duna apoderashon;
- Ku den e último elekshon pa Konseho Insular di Entidat Públiko Boneiru no ménos ku 1082 vòlmagt a keda registrá;
- Ku e kantidat akí ta mas ku un asiento;
- Ku e kantidat akí ta nifiká 11,5% di e total di votonan ku a keda depositá;
- Ku e sistema di vòlmagt bou di man ta trese kuné ku partidonan polítiko i votadónan konsientemente i deliberadamente por buska i influenshá otro pa entregá un vòlmagt privá, sea ku ta kontra pago òf nò;
- Ku relashoná ku e rapòrt di Organisashon pa Seguridat i Koperashon den Oropa (OVSE) di 16 di novèmber 2012, tokante e mishon di opservashon di elekshon pa Tweede Kamer di 12 di sèptèmber 2012, Hulanda a rekonosé ku tin riesgonan mará na votamentu pa medio di vòlmagt relashoná ku 'family voting' i reklutamentu di voto;
- Ku gabinete Hulandes a pone e riesgo ariba menshoná den balanse kontra e echo ku vota pa medio di vòlmagt ta un protekshon pa votadónan ku di otro forma no por vota i for di investigashon anterior a resultá ku na Hulanda votamentu pa medio di vòlmagt ta e úniko manera pa hopi votadó por partisipá den e elekshon;
- Ku den Entidat Públiko Boneiru sinembargo tin indikashonnan fuerte ku a hasi mal uso di e posibilidat pa vota pa medio di vòlmagt bou di man, miéntras ku di otro banda no a

Moshon : Abolishon di dunamentu di vòlmagt (apoderashon) bou di man (onderhandse volmacht) i kambio di lista di vota

hasi investigashon di e opstákulonan ku ta stroba votadónan riba un isla chikitu pa tuma parti na e votashon;

- Ku tin indikashonnan ku durante e elekshon di 18 di mart 2015 a hasi mal uso di e posibilidat pa duna vòlmagt;
- Ku e poblashon Boneriano ta deseá un gobièrnu sólido ku ta íntegro;
- Ku nos sistema elektoral mester ta un garantia ku nos representantenan di pueblo ta keda skohé na un manera íntegro;
- Ku tin inkietut bou di e poblashon boneriano i bou di algun partido polítiko ku a partisipá na e elekshon, pa loke ta trata posibel mal uso di vòlmagt bou di man durante e elekshon di 18 di mart 2015;
- Ku konforme e prosèsferbal di e resultado di e elekshon di Konseho Insular di 18 di mart 2015 di Sint Eustatius, e porsentahe di voto pa medio di vòlmagt tabata 30%, loke ta mas haltu ku e kantidat di voto di e partido ku a gana;
- Ku konforme e prosèsferbal di e resultado di e elekshon di Konseho Insular di 18 di mart 2015 di Saba, e porsentahe di voto pa medio di vòlmagt tabata 22%;
- Ku den e entidatnan públiko Saba i Sint Eustatius a lanta inkietut despues di elekshon, pa loke ta trata votamentu pa medio di vòlmagt bou di man;
- Ku votamentu pa medio di vòlmagt (bou di man) ta en pugna di dos prinsipio esensial di e proseso elektoral esta e prinsipio di *'one man, one vote'* i e sekreto di voto;
- Ku pa falta di kontròl, votamentu pa medio di vòlmagt (bou di man) ta produsí en realidat un di dos voto;
- Ku ya na 2011 na Boneiru, Sint Eustatius i Saba a ekspresá preokupashon tokante introdukshon di nobo di votamentu pa medio di vòlmagt bou di man, pa motibu di problemanan grandi den pasado;
- Ku e problemanan ariba mensioná tabata motibu, pa hustamente abolí e forma aki di hasi uso di e derecho di voto den Antia Hulandes di ántes;
- Ku den e konseho di Konseho Elektoral di 23 di òktober 2008 na sekretario di Asuntunan Interno a konsehá lo siguiente: *"Ku den konsulta gubernamental ku representantenan di e islanan BES a kumbiní pa solamente hasi dunamentu di vòlmagt por eskrito posibel, den kua lo konsedé outoridat di kontròl na gezaghebber."*
- Ku Konseho Elektoral riba 23 di òktober 2008 a konsehá sekretario di estado di Asuntunan Interno lo siguiente pa por bolbe introdusí dunamentu di vòlmagt na BES: *"Konseho Elektoral no ta mira motibu pa bin ku un areglo desviante pa e islanan BES pa loke ta trata votamentu pa medio di vòlmagt i ta duna balor na un areglo uniforme riba e tereno aki. Konseho Elektoral ta suprayá e deseo pa registrá e kantidat di voto pa medio di vòlmagt ku keda depositá."*

Moshon : Abolishon di dunamentu di vòlmagt (apoderashon) bou di man (onderhandse volmacht) i kambio di lista di vota

- Ku den e konseho di Konseho Elektoral di 23 di òktober 2008 na sekretario di estado di Asuntunan Interno tin pará lo siguiente: *"Ku ta usual ku riba e lista di vota tin pòtrèt di e kabesantenan di lista i ta indiká partidonan ku un koló i ku riba e lista di vota ta duna instrukshonnan tantu na hulandes komo na papiamentu."*
- Ku potrèt di e kabesantenan di lista riba e listanan di vota, indikashon di e partidonan na koló i dunamentu di instrukshon tantu na hulandes komo na papiamentu ta fasilitá e votadó i lo limitá e chèns di votonan imbálido.
- Ku ora di traha legislashon pa Boneiru e intenshon mester ta sèmper ku ta tene kuenta ku kultura di Boneiru i ku e efekto positivo di legislashon riba e komunidat Boneriano mester ta pará riba uniformidat.

#### Ta disidí:

- Pa urgi Konseho Elektoral, pa intermediashon di presidente di Kolegio Supremo Elektoral di Boneiru, pa laga investigá e supuesto práktika di rekrutamentu den asunto di dunamentu di vòlmagt bou di man durante e elekshon na Boneiru riba 18 di mart 2015;
- Pa urgi Tweede Kamer di Staten Generaal di Hulanda i Eerste Kamer, pa medio di Minister di Asuntunan Interno, pa permití ku solamente vòlmagt pidí por eskrito ta posibel den Entidat Públiko Boneiru bou di kondishon ku ta duna balides na estadia pafó di e isla, kondishon físiko i mental ku ta hasi imposibel ku e persona mes por vota, basta ku esaki keda komprobá ku un komprobante médiko;
- Pa urgi Konseho Elektoral pa pidi Tweede Kamer di Staten Generaal di Hulanda i Eerste Kamer, pa medio di minister di Asuntunan Interno, pa laga adaptá e lei elektoral di tal forma ku ta bira posibel pa riba e listanan di vota pone pòtrèt di kabesantenan di lista, pa indiká e partidonan ku koló i pa duna instrukshon tantu na Hulandes komo na Papiamentu.
- Konseho Insular ta ekspresá e deseo ku e kambionan ariba menshoná ta keda realisá promé ku elekshon di Konseho Insular na 2019.

I ta pasa pa órden di dia,

Firmantenan:

Moshon : Abolishon di dunamentu di vòlmagt (apoderashon) bou di man (onderhandse volmacht) i kambio di lista di vota

---

Elvis E.J. Tjin Asjoe (MPB)

Joselito J. Statia (MPB)

---

Robert C.M. Beukenboom (DP)

Marugia Janga S.M. (DP)

Michael J. Pieters (DP)

---

Pablo J. Kroon (UPB)

Edsel S. Winklaar (UPB)

Esther J. Bernabela (UPB)

c.c.: Kiesraad  
Vaste Kamercommissie voor Koninkrijksrelaties  
Rijksvertegenwoordiger  
Minister BZK  
Bestuurscollege Openbaar Lichaam Bonaire